

全華叢書

全華叢書

九靈山房集卷二十二

元戴良著

郡後學胡鳳丹月樵校梓

五言古詩

題茂清齋

疏傳固知退貢公未遺榮如何郡齋上榜此林棲名伊
昔宅姑孰迢遞瞰修垞羣山旣羅戶廻澗亦當庭山行
睇松茂澗涉玩清泉此歡謂可終外事始難并理棹蕪
湖水剖竹嫠女城昔也樂肥遁今茲倦將迎幸當官事
治復值民俗寧虛館絕諍訟空堦長苔藁罷吏就閒散

臥疴謝纏縈曾是懷舊想眷焉起深情狗名道不足適
意物可輕寄語浮邱翁長憶子音形

九日送別分韻得菊字

霜林醉秋英雨徑臥時菊折以贈將歸意遠悲別促

城東會飲送王天錫

陰崖歛暝霏霜陸耀晴睨蕭蕭落木多綿綿衰草遍開
冬感徂物列飲會羣彥美醕溢流霞妍談粲餘絢時髦
非我匹清尊豈余戀行矣送將歸悵焉罷歡宴引領阻
雲從搔首歎蓬轉

送人還鎮

根碩多繁條源濬有清流尊公啟洪胄英子紹前猷
肇允龍淵升翻飛鳳池遊光分發劓劍氣壓噓蜃樓下車
儼如昨去旆已莫留西州實吾鎮東路安足由帶甲踰
萬人連舫動千艘桓桓順時發行將紆國憂

題愛栢軒

瑟瑟涼野風竦竦寒城木風勁木亦然受命一何獨歲
物已淪傷高標誰賞錄偶荷主人恩開軒向城曲老枝
扶戶吟密葉停窗綠遂忘孤生悲行享後凋福有客政

迷方振衣時躑躅願爲栢上枝託蔭歸君屋

送劉仲修

名都鬱佳麗公室赫宏敞續續集時彥哀哀歸世網若
人固忠勤受命逾震蕩藩國簡車徒邊亭巡境壤道途
邈以負山川脩且廣月宵抱影息霜晨流念往仰看零
露團俯聽悲風響景物勞夢思驅馳罷心賞去水無回
波長途有徂軼臨分恨莫留搔首獨長想

送劉彥英東還

轉蓬無定在飄飄將何之未遽離本根賴有回飈吹在

昔從一官整駕來南陲何意十載留竟負三年期上有
垂白親下有初長兒平生已艱瘁況復當亂離及茲神
武師拓地如拾遺遂令客行士秋晏薄言歸慈母旣生
還弱子亦抱持歌舞入故都志願幸無違鴻鵠遊四海
鷦鷯守一枝寧與鷦鷯處不隨鴻鵠飛

詠省堂後竹

冉冉孤生竹託根淇水湄何年被簡拔移植鳴鳳池鳴
鳳準寒律豈待伶倫吹

雲樵子

抗志薄囂世結茅向雲林簷靄起膚寸庭樹圍十尋不
見從龍勢惟聞伐木音買臣抱才智遺烈著來今當其
樵采時久困稽山陰富貴違壯年伉儷易常心丈夫有
迍邴達士甘滯淫永言慮崇替聊且投吾簪

舟發嚴陵承以愚天錫諸公追餞

祇役旋故都艤舟析良知臨岐辱飲餞舉觴念睽離躑
躑東城闌徘徊江水湄顏陽無停照別晷有成期屏迹
堪養痾樂道可忘飢持此將久息豈伊聊暫違願各崇
令德蜚聲慰棲遲

舟中有懷以愚天錫諸君子

積雨夕澄霽曉行出東郭解纜遡驚急懷舊復淹薄離
情固難抑歸思亦隨作鼓枻就隈隩指途阻參錯嶮當
嚴公瀨勢奪呂梁壑側耳聽波濤縱目窺巖嶧永懷滄
洲趣久負泉石諾及此協幽期逝將資止託安得同心
客共恣一時樂

舟次蘭陰憶寄君善敬德濬仲諸友

曉帆發嚴瀨暝棹次蘭陰悲歌泛廻渚引領睇長林眷
言遵舊蹊欲往訪所欽水行厭棲薄室邇阻窺臨川靜

集潛虬林茂萃鳴禽獨無羣居志感歎難爲心

謁彥修先生墓分韻得風字

楊公泣路岐阮生哭途窮撫心苟有懷出涕豈無從吞
聲度重阜銜恨眺連峰若人久已沒古士將誰逢時春
卉木芳勝會嘉友同豈無尊中醕盡灑墳上松埋玉悼
遺迹解劔慚古風長歌欲自慰情深眷彌重

悲亡友朱茂清

人亦孰不死爾死獨堪驚平生一掬淚寧不爲爾零在
昔避兵亂倉皇託門屏一時急難意視之猶弟兄動靜

既殊勢去住遂分形東臯把袂時豈意竟先傾雙親已
垂白諸胤纔弱齡遺事竟誰託素志終難成流幻一世
中運往誰得停形神既久化何用哭吞聲

送別王天錫

久懷山澤居胡乃憩長途直爲知己故欲行復躊躇戀
戀交情結漫漫歸思紆決去旣不忍淹留欲何如眷言
命徒御逝將理舟輿已無軒冕累自多林野娛但恐禮
羅密不似禁網疎且遂一朝願明日非所圖

題栖碧山人卷

都邑集豪右山林遺隱淪
隱淪端可慕豪右何足陳
少小悟斯理出處故絕人
杖策託幽棲抗志辭垢氛
陰谷掇丹萸陽岡望白雲
對綬不敢綰臨符寧肯分
晚節嬰世務薄言走風塵
投未襲珪組解褐紆縉紳
始願竟難畢俯仰悲此身

送胡練師還山

有客挾丹簡出遊齊魯間
行將入苦縣亦欲歸函關
途屬多阻故里聊復還
神仙苟難遇畢志巢空山

九日偕子充安道諸友遊城東

四序逝若飛忽忽授寒服曉徑菊乳黃暝林葉辭綠居
人驚節至行子感時速步出東城闌寄傲雙溪澳挹流
當芳醴聽籟代鳴筑夕陰歛空陂頽陽照平陸願得重
留連從夕至天旭

贈別呂用明

旅鴈薄霄遊輕鷗掠水飛相逢多間阻所向有高卑偶
此風雨過解后洲渚湄翩翩形影亂噉噉鳴聲悲日落
水氣寒月高風景移矰繳發中流又復夜驚離回翔空
有志棲宿定何時飄飄天衢上往慎子毛衣

贈鐵冠子倪仲德

武士貫卻敵文儒我進賢
獬豸勵憲臣鵠鵲寵郎官
鄭嘗聚鵠毛宋亦表華山
爲容豈非美弗稱斯厚顏
有客類疲繭秉志實剛堅
旣用石爲腸復使鐵作冠
逢萌不許挂貢禹那敢彈
巍巍堂序上遙迨階陛間
古制世則知古心人不傳
因歌君子德用繼緇衣篇

使客還自建昌

時雞初戒曙關吏已開晨
飭徒臨迴陌振楫發長津
四郊盛陰氣千里塞驚塵
艱難將使命騷屑作行人
時值

秋冬交道經吳楚分昔出方禡師今還已歸軍威遲良
馬勞悽惻僕御勤王事不可淹誰知君苦辛

送人還蕪湖

連汀幕牛渚平原帶鳩茲臥矚浮邱室行尋謝朓詩偶
隨樵風便來憩淝水湄登樓憶吟守遊山懷牧兒昔至
雪載途今別露霑衣驅車子流感輟棹我馳思風雲有
衢路寥廓無層機矯首羨歸翼冥冥已高飛

苦齋

薄遊倦簪履歛性偃林阿羣峰旣旁繞眾卉亦前羅暄

風改故栢微陽變陳蘿茶生緣階上櫟長即軒多察性
攀柔葉辨味掇芳柯苦節既可貞佳名矢弗訛享歆寵
王使集蓼奠皇家尊盛猶若茲庇賤將奈何願賜卜身
訣庶免後賢嗟

看松菴

結構在中林林木何離離簷隅聳喬幹庭際俯樛枝蜿
蜿鹿尾揚矯矯龍形垂稠陰暗軒戶積髓滑階基美人
遊未還素心適在茲豈不念封植無由敦佳期岱畎稱
夏書徂徠調周詩屈身古則然違志今豈非急雪交橫

至嚴飈左右吹所貴貞白質不爲寒歲欺

同子充濬仲遊北山夜宿覺慈院

窮年厭喧囂今晨愜遊衍豈伊清曠懷直爲朋知展指
途陽已昇入谷光未顯涉流旣百折尋山亦千轉停策
樹頻倚攀林芳屢攀路夷始出幽山暝復凌緬佛廬旣
棲薄僧榻聊息偃地僻心自怡俗遠慮乃遣明發有佳
趣勝處將歷踐

抵智者

已宿隆壽山復踐靈源境蜿蜒苔逕長磴确石路整行